

Mandatno-etička komisija

Broj: 02-49-135/18

Sarajevo, 16.03.2018. godine

Postupajući u skladu sa odredbama člana 36. Poslovnika Općinskog vijeća Stari Grad Sarajevo – Prečišćeni tekst (“Službene novine Kantona Sarajevo” broj 49/17), člana 12. stav (3), člana 18. stav (1), tačka g) i člana 19. Kodeksa etičkih principa za izabrane zvaničnike u Općini Stari Grad Sarajevo („Službene novine Kantona Sarajevo“, broj 41/17), a na osnovu prijave vijećnika Amara Trbovića, na svojoj sjednici održanoj 16.03.2018. godine, Mandatno-etička komisija Općinskog vijeća Stari Grad Sarajevo, je izrekla sljedeću

JAVNU OPOMENU s objavom u sredstvima javnog informisanja

Vijećniku DENISU STOJNIĆU, zbog toga što je, u svojim dopisima, putem e-mailova upućenih svim vijećnicima, redakcijama javnih informativnih servisa, elektronskim i printanim medijima, te nepoznatim osobama, **odavao informacije koje se odnose na privatni život izabranih zvaničnika.**

O b r a z l o ž e n j e

Mandatno-etička komisija je, postupajući u skladu sa nadležnostima propisanim odredbama Poslovnika Općinskog vijeća Stari Grad Sarajevo - Prečišćeni tekst (“Službene novine Kantona Sarajevo”, broj 49/17), razmatrala prijavu koju je, u skladu sa članom 15. Kodeksa etičkih principa za izabrane zvaničnike u Općini Stari Grad Sarajevo („Službene novine Kantona Sarajevo“, broj 41/17), podnio vijećnik Amar Trbović dana 05.03.2018. godine broj: 02-05-1673/18, protiv vijećnika Denisa Stojnića.

U prijavi je podnosilac naveo da istu podnosi zbog kršenja odredaba Poslovnika Općinskog vijeća i odredaba Kodeksa etičkih principa za izabrane zvaničnike u Općini Stari Grad Sarajevo, jer je vijećnik Denis Stojnić, postupio suprotno navedenim propisima zbog toga što je, u svojim dopisima, putem e-mailova upućenih svim vijećnicima, redakcijama javnih informativnih servisa, elektronskim i printanim medijima, te nepoznatim osobama, odavao informacije koje se odnose na privatni život izabranih zvaničnika.

Na sjednici održanoj 16. 03. 2018. godine, Mandatno-etička komisija Općinskog vijeća Stari Grad Sarajevo je konstatovala da je vijećniku Denisu Stojniću, od strane ove Komisije, prethodno izrečena sankcija “PISMENA OPOMENA”.

Razmatrajući navedenu prijavu, Komisija je utvrdila da je nadležna postupiti u skladu sa odredbama člana 12. stav (3), člana 18. stav (1) tačka g) i člana 19. Kodeksa etičkih principa za izabrane zvaničnike u Općini Stari Grad Sarajevo.

Komisija je konstatovala da je vijećnik Denis Stojnić počinio povredu člana 12. stav (3), Kodeksa etičkih principa za izabrane zvaničnike u Općini Stari Grad Sarajevo, koja je uvrštena u najteže oblike kršenja Kodeksa, (član 18. stav (1), tačka g) – odavanje povjerljivih informacija i informacija koje se odnose na privatni život izabranih zvaničnika, član 12. stav 3), te je shodno navedenom, imenovanom vijećniku, u skladu sa članom 19. stav (1), tačka d), izrekla navedenu sankciju.

Izrečenu sankciju Komisija je dostavila Općinskom vijeću, koja je na 16. sjednici vijeća, održanoj dana 29. 03. 2018. godine, potvrđena, nakon čega će ista biti objavljena u sredstvima javnog informisanja.

Izrečena sankcija je konačna.

PREDSJEDNIK KOMISIJE

Said Katica